

Ֆինանսական միջնորդների շրջանակ (FIF) – ՊՌԲ II - ԱԿԲԱ բանկ (EFSD+2)

Երկիր	Հայաստան
Ծրագրի համար	56190
Բիզնես ոլորտ	Դեպոզիտային վարկ (բանկեր)
Ծանուցման տեսակ	Մասնավոր
Բնապահպանական կատեգորիա	ՖՀ
Հաստատման ամսաթիվ	Սեպտեմբերի 24, 2025 թ.
Կարգավիճակ	Ուսումնասիրության փուլում
Անգլերեն տարբերակի հրապարակման ամսաթիվ	Օգոստոսի 20, 2025

Ծրագրի նկարագրություն

Պորտֆելի ռիսկի բաշխում («PRS»)՝ ՎԶԵԲ-ի կողմից «ԱԿԲԱ» բանկի օգտին տրամադրվող մինչև 50 միլիոն եվրոյի չափով ոչ ֆինանսավորվող երաշխիքի եղանակով: Երաշխիքը կծածկի «ԱԿԲԱ» բանկի կողմից նորաստեղծ ՄՓՄՁ վարկային պորտֆելի վարկային ռիսկի մինչև 50%-ը:

Ծրագրի նպատակները

Ծրագիրը «ԱԿԲԱ» բանկին հնարավորություն կտա ընդլայնել վարկավորումը բանկային ծառայություններից նվազ օգտվող ՄՓՄՁ-ների համար՝ կենտրոնանալով գյուղական վայրերում գործող ընկերությունների վրա: ՎԶԵԲ-ի կողմից տրամադրվող երաշխիքի միջոցով կկիսվի վարկային ռիսկը, ինչը կհանգեցնի «ԱԿԲԱ» բանկի վարկային կարողությունների ավելացմանը, ՄՓՄՁ վարկավորման պակասի նվազեցմանը և կիսթանի ներառական տնտեսական զարգացումը մարզերում:

Անցումային ազդեցություն

Անցումային ազդեցության միավոր՝ 60:

Ծրագրի անցումային ազդեցությունը բխում է մրցունակության և դիմակայունության հատկություններից, քանի որ այս ֆինանսական գործիքը հնարավորություն կտա «ԱԿԲԱ» բանկին ընդլայնել միկրո, փոքր և միջին ձեռնարկություններին (ՄՓՄՁ) տրամադրվող վարկավորումը Հայաստանում՝ միաժամանակ նվազեցնելով իր ՄՓՄՁ պորտֆելի ռիսկային պրոֆիլը:

Հաճախորդի վերաբերյալ տեղեկատվություն

ԱԿԲԱ ԲԱՆԿ ԲԲԸ

«ԱԿԲԱ» բանկը հանդիսանում է Հայաստանի բանկային համակարգի կարևոր դերակատարներից մեկը՝ 2024 թ-ի ավարտի դրությամբ զբաղեցնելով 3-րդ հորիզոնականը ընդհանուր ակտիվների, տրամադրված վարկերի և դեպոզիտների ծավալով՝ յուրաքանչյուր սեգմենտում ունենալով ավելի քան 8% շուկայի մասնաբաժին: Բանկը գործունեություն է ծավալում Հայաստանի բոլոր մարզերում՝ 65 մասնաճյուղի և ավելի քան 1800 աշխատակիցների միջոցով:

ՎՉԵԲ-ի կողմից տրամադրվող ֆինանսավորում

50,000,000.00 Եվրո

Ծրագրի ընդհանուր արժեք

50,000,000.00 Եվրո

Հավելյալություն

Նորարարական ֆինանսական կառուցվածքներ և/կամ գործիքներ. ՎՉԵԲ-ն առաջարկում է **նորարարական ֆինանսավորման կառուցվածք** (օրինակ՝ մեզանիս ֆինանսավորում, ռիսկի բաժանում և այլն):

Գիտելիք, նորարարություն և կարողությունների զարգացում. ՎՉԵԲ-ը տրամադրում է մասնագիտական փորձառություն, նորարարական մոտեցումներ, գիտելիք և կարողություններ, որոնք կարևոր նշանակություն ունեն ծրագրի նպատակները ժամանակին իրագործելու նպատակով, ներառյալ աջակցության տրամադրումը հաճախորդի կարողությունների բարելավմանն ապագա կառուցվածքային ֆինանսավորման ծրագրերի համար:

Ստանդարտների սահմանում. աջակցություն ծրագրերին և հաճախորդներին՝ հասնելու գենդերային և ներառականության ավելի բարձր չափանիշների:

Բնապահպանական և սոցիալական ազդեցության ամփոփ նկարագիր

Դասվել է FI կատեգորիայի (Բնապահպանական և սոցիալական քաղաքականություն, 2024թ): «ԱԿԲԱ» բանկը ՎՉԵԲ-ի ընթացիկ հաճախորդներից է և գործում է բնապահպանական և սոցիալական (Բ և Ս) չափանիշների համապատասխան՝ իր ընթացիկ պարտավորությունների շրջանակում: Վարկային միջոցները կուղղվեն իրավասու ՄՓՄՁ պորտֆելին երաշխիքների

տրամադրման նպատակով: «ԱԿԲԱ» բանկը պետք է պահպանի և արդյունավետ կերպով գործարկի իր ԲԱՍ կառավարման համակարգը՝ ԲԱՍ ռիսկերն ու ազդեցությունները, մարդկային ռեսուրսների (ՄՌ) քաղաքականությունը, ներքին բողոքարկման մեխանիզմը, ինչպես նաև աշխատանքի անվտանգության և առողջության ապահովման ընթացակարգերը գնահատելու, կառավարելու և վերահսկելու նպատակով՝ համապատասխան ՎՉԵԲ-ի ԲԱՍ պահանջների 2-րդ, 4-րդ և 9-րդ կետերին՝ 2024 թ. ԲԱՍ քաղաքականությանը համահունչ:

Կանաչ գնահատում

Ծրագիրը դիտարկվում է որպես համահունչ Փարիզի համաձայնագրին՝ հիմնվելով ՎՉԵԲ-ի Փարիզի համաձայնեցման մոտեցման կիրառման վրա, որը վերաբերվում է անուղղակի ֆինանսավորմամբ ներդրումներին և ներառում է՝ (i) հստակ սահմանված վարկային միջոցների օգտագործման նպատակ, (ii) կիրառելի բացառություններ և (iii) ՎՉԵԲ-ի հետ համագործակցելու վերաբերյալ հաճախորդի հանձնառություն, որն ուղղված է ցածր ջերմոցային գազերի արտանետումներով և կլիմայական կայուն զարգացմամբ անցման ուղուն ֆինանսական հոսքերը համապատասխանեցնելուն:

Տեխնիկական աջակցություն և դրամաշնորհի ֆինանսավորում

Անհատականացված կարողությունների զարգացում ՄՓՄՁ-ների համար, մասնավորապես՝ գյուղատնտեսական ՄՓՄՁ-ների,՝ նրանց ազդեցիկության գործունեությունն ու արտահանման շուկա մտնելու կարողություններն ուժեղացնելու նպատակով՝ «Փոքր բիզնեսներին խորհրդատվություն» ծրագրի միջոցով:

Ընկերության կոնտակտային տվյալները

Անժելիկա Բաղրամյան

Anzhelika.Baghranyan@acba.am

+37410318888

www.acba.am

Հայաստան, ք. Երևան 0002, Արամի փողոց 82-84

ԾԱՓ-ի վերջին թարմացում

Անցումային շրջանի ընկալումը

Այստեղ կարող եք լրացուցիչ տեղեկություններ գտնել առ այն, թե ինչ մոտեցումներ է կիրառում ՎՉԵԲ-ը անցումային շրջանում առաջընթացի վրա ազդեցությունը չափելու համար:

Բիզնես հնարավորություններ

Բիզնես հնարավորությունների կամ գնումների համար դիմե՛ք հաճախորդի ընկերությանը:

ՎՉԵԲ-ի հետ կապված (գնումներին չառնչվող) բիզնես հնարավորությունների համար դիմե՛ք.

Հեռ.՝ +44 20 7338 7168

Էլ-փոստ՝ projectenquiries@ebrd.com

Պետական ոլորտում ծրագրերի համար այցելե՛ք ՎՉԵԲ-ի գնումներ:

Հեռ.՝ +44 20 7338 6794

Էլ-փոստ՝ procurement@ebrd.com

Ընդհանուր հարցումներ

Կարող եք անել կոնկրետ հարցումներ՝ օգտագործելով ՎՉԵԲ-ի հարցումների ձևաթուղթը:

Բնապահպանական և սոցիալական քաղաքականություն (ԲՍԶ)

ԲՍԶ-ն և դրա հետ կապված՝ Գործունեության նկատմամբ պահանջները (ԳՊ-ներ) սահմանում է

այն ուղիները, որոնց միջոցով ՎՉԵԲ-ն իրականացնում է իր հանձնառությունը՝ խթանել «Էկոլոգիապես առողջ և կայուն զարգացումը»: ԲՍԶ-ն և ԳՊ-ները պարունակում են հատուկ դրույթներ, ըստ որոնց հաճախորդները պետք է համապատասխանեն տեղեկությունների հրապարակայնացման և խորհրդատվության մասին ազգային օրենքների կիրառվող պահանջներին, ինչպես նաև ստեղծեն բողոքարկման մեխանիզմ՝ շահագրգիռ կողմերի մտահոգությունները և բողոքները ստանալու և լուծումները դիտարկելու նպատակով, մասնավորապես, հաճախորդի և ծրագրի կողմից բնապահպանական և սոցիալական ասպեկտների կատարողականի վերաբերյալ: Կախված ծրագրի բնապահպանական և սոցիալական ռիսկերի և ազդեցությունների բնույթից և մասշտաբից, ՎՉԵԲ-ը լրացուցիչ պահանջում է, որ իր հաճախորդները, անհրաժեշտության դեպքում, տեղեկություն հրապարակեն ծրագրից բխող ռիսկերի և ազդեցությունների մասին կամ բովանդակալից խորհրդակցություններ անցկացնեն շահագրգիռ կողմերի հետ, դիտարկեն նրանց կարծիքներն ու արձագանքն դրանց: Այս կապակցությամբ ՎՉԵԲ-ի գործելակերպի վերաբերյալ ավելի մանրամասն տեղեկությունները ներկայացված են ԲՍԶ-ում:

Բարեվարքություն և համապատասխանություն

ՎՉԵԲ-ի՝ Համապատասխանության վերահսկման գլխավոր տնօրենի գրասենյակը (ՀՎԳՏԳ) խթանում է լավ կառավարումը և ապահովում բարեվարքության բարձրագույն չափանիշների կիրառումը Բանկի գործունեության բոլոր ասպեկտներում՝ միջազգային լավագույն փորձի համաձայն: Բանկի բոլոր հաճախորդների վերաբերյալ իրականացվում է բարեվարքության պահանջներին համապատասխանության ստուգում-ուսումնասիրություն՝ համոզվելու, որ ծրագրերը չեն պարունակում Բանկի համար անընդունելի ռիսկեր բարեվարքության կամ հեղինակության առումով: Բանկի համոզմամբ, ծրագրի գնահատման և հաստատման փուլերում խնդիրների հայտնաբերումն ու լուծումը Բանկի գործարքների բարեվարքության ապահովման ամենաարդյունավետ միջոցներն են: ՀՎԳՏԳ-ն առանցքային դեր է կատարում պաշտպանիչ այս գործողություններում, ինչպես նաև օգնում է վերահսկել բարեվարքությանն առնչվող ռիսկերը ծրագրերի հետևերդրումային փուլերում:

ՀՎԳՏԳ-ն նաև պատասխանատու է ՎՉԵԲ-ի կողմից ֆինանսավորվող ծրագրերում կեղծիքի, կոռուպցիայի և չարաշահման կապակցությամբ մեղադրանքների հետաքննության համար: Ցանկացած անձ, ինչպես Բանկի ներսում, այնպես էլ նրանից դուրս, ով կասկածներ ունի, որ առկա են կեղծիքի կամ կոռուպցիայի դեպքեր, պետք է գրավոր զեկույց ներկայացնի Համապատասխանության վերահսկման գլխավոր տնօրենին էլ-փոստով՝ compliance@ebrd.com: Խնդիրների մասին բոլոր զեկույցները կքննվեն ՀՎԳՏԳ-ի կողմից՝ հետագա քայլերը որոշելու նպատակով: Քննվելու են բոլոր զեկույցները, այդ թվում՝ անանուն զեկույցները: Չեկույցները կարող են ներկայացնել Բանկի կամ Բանկի գործունեության ցանկացած երկրի լեզվով: Տեղեկությունը տրամադրելիս անհրաժեշտ է դրսևորել բարեխիղճ մոտեցում:

Տեղեկությունների հասանելիության քաղաքականություն (ՏՅԶ)

ՏՅԶ-ն սահմանում է, թե ինչպես է ՎՉԵԲ-ը հրապարակայնացնում տեղեկությունները և խորհրդակցում շահագրգիռ կողմերի հետ, որպեսզի 2020թ. հունվարի 1-ից ուժի մեջ մտնելուց հետո նպաստի ՏՅԶ-ի ռազմավարությունների, քաղաքականությունների և գործառնությունների մասին ավելի լավ իրազեկմանն ու ընկալմանը: Խնդրում ենք այցելել Տեղեկությունների հասանելիության քաղաքականության կայքէջը՝ www.ebrd.com պարզելու, թե ինչ տեղեկություն կա ՎՉԵԲ-ի կայքում:

Տեղեկություններ ստանալու համար կարող եք կոնկրետ հարցումներ ներկայացնել՝ օգտագործելով ՎՉԵԲ-ի հարցումների ձևաթուղթը:

Ծրագրերի հաշվետվողականության անկախ մեխանիզմ (ԾՀԱՄ)

Եթե Հաճախորդի կամ Բանկի հետ բնապահպանական և սոցիալական ասպեկտների կամ հրապարակայնացման հետ կապված խնդիրների լուծմանն ուղղված ջանքերն (օրինակ, Հաճախորդի՝ Ծրագրի մակարդակով բողոքարկման մեխանիզմի կամ Բանկի ղեկավարության հետ անմիջական ներգրավման միջոցով) ապարդյուն են, ապա անհատներն և կազմակերպությունները կարող են դիմել ՎՉԵԲ-ի՝ Ծրագրերի հաշվետվողականության անկախ մեխանիզմին (ԾՀԱՄ)՝ իրենց մտահոգող խնդիրների լուծումը ստանալու համար: ԾՀԱՄ-ն անկախ եղանակով քննում է Ծրագրի հետ կապված խնդիրները, որոնք, ենթադրաբար, վնաս են պատճառել (կամ, հավանաբար, կարող են վնաս պատճառել): Մեխանիզմի նպատակն է . աջակցել Ծրագրի շահագրգիռ կողմերի միջև երկխոսությանը՝ շրջակա միջավայրի, սոցիալական ասպեկտների և հրապարակայնացման հետ կապված խնդիրները լուծելու նպատակով, պարզել, արդյոք Բանկը համապատասխանել է իր իսկ Բնապահպանական և սոցիալական քաղաքականությանը կամ իր՝ Տեղեկությունների հասանելիության քաղաքականության՝ Ծրագրին վերաբերող կոնկրետ դրույթներին, և, անհրաժեշտության դեպքում, վերացնել այդ քաղաքականություններին վերաբերող ցանկացած անհամապատասխանություն՝ միաժամանակ կանխելով Բանկի անհամապատասխանության դեպքերն ապագայում:

Խնդրում ենք այցելել Ծրագրերի հաշվետվողականության անկախ մեխանիզմի կայքէջը՝ www.ebrd.com իմանալու ավելին ԾՀԱՄ-ի և նրա լիազորությունների մասին, ինչպես Դիմում ներկայացնել ստուգում անցկացնելու համար, կամ կապ հաստատել ԾՀԱՄ-ի հետ էլ-փոստով ipam@ebrd.com՝ ԾՀԱՄ-ի և դիմում ներկայացնելու վերաբերյալ ուղղորդում և լրացուցիչ տեղեկություններ ստանալու համար:

